


ԱՅՐԱՐԱՏ







1. ՀԱՋԱՐԱՆ ԲԻԼԲՈՒԼ

Կար ժամանակով մեկ հալիվոր մարդ, թուշի էր. իրեք ախշիկ ունեւր, մի կնիկ. ընդդրան ուրիշ փեշակ շունեւր. կէթար ձուկ բըռնելու. ինչ ղղար թոռ կըցեւր, հինգ հատ ձուկ կըռնեւր շար իրիկուն. իրիկունը հինգ հատ ձուկը վեւր կալեւր, կըբեւրեւր տուն. հինգ շան ին, ամենքը մեկը կուտեիին:

Ըգրա կնիկը մեռավ, գնաց ուրիշ կնիկ բեւեց իրա տունը:

Թոռը վե կալավ, գնաց ձկան. էլի հինգ հատ ձուկը բռնեց, վե կալավ բեւեց տուն, տվեց կնկան. կնիկը հինգ հատ ձուկն էլ էփեց. մի հատը թաքուն կեւրավ:

Մարդը էկավ տուն, ասեց.— Կնի'կ, ձկները բեւր, ուտենք:

Չորս հատ ձուկը բեւեց. էրկու հատը տվեց իրեք ախշկան՝ կեւրան, էրկու հատը գրեց իրանց աղաքը:

Ասեց.— Կնի'կ, ես հինգ հատ ձուկ եմ բեւրե, էդ խի՞ էրկուսը տալիս ես իրեք ախշկան, բա մեկը ի՞նչ ես արե:

Ասեց.— Սոված ի՞ մեկը կեւրա, էգուց վեց հատ կըբեւս, մի հատ ավել կտամ ըդրանց:

Ասեց.— Անկարելի ա, հինգ հատից ավել չեմ կաբա բեւրի. մեւր ղսմաթը էգ ա, ըդով կառավարվենք:

Ասեց.— Որ է՛դ էր քու զսմաթը, էդ էր քու գըռլիկը, առավոտ քու տանը շեմ մնա:

Կասի.— Ի՞նչ պատճառով շեմ մնում:

— Օրը հինգ հատ ձուկ ես բերում. էդ ախշկերքը կորցրա. կէթաս էլի հինգ հատ ձուկը կբերես. էրկուար ես կուտեմ, էրկուար դու, մեկի կեսը ես կուտեմ, մեկի կեսն էլ դու. կուշտ կուտենք, ապրուստ կանենք:

Ասեց.— Կնի՛կ, մո՞նց կորցնեմ. իմ ջիգյարն են:

Ասեց.— Անկարելի ա, կկորցնե՛ս՝ կնիկ կըլլեմ, շեմ կորցնի՛ ես կկորեմ. կորեմ լավ ա, թե սովամահ ըլլեմ:

Մարդն ասեց.— Ա՛յ կնիկ, դու՛ քու աստված. տանե՛մ, կորցընեմ. իրեք հատ աղի բլիթ թխա:

Իրեք հատ աղի բլիթ թխեց. վե կալավ իրեք ախշկան էլ, ընկան ճամփա ու գնացին. մե մեշի մեշ մտան:

Ախշիկները ասեցին.— Պապի՛, էս ո՞ւր ենք էթում:

— Ա՛յ որդի, էթում ենք ցախի:

— էս ցախերը թոփ անենք, տանենք. բա՛ ո՞ւր ենք էթում:

— Լավ ցախի տեղ գիտամ, էթում ենք ընտի:

Գնացին, նստեցին մի տեղ, սովածացան. էդ աղի բլիթները հանեցին, կերան՝ շատ ծարավեցին:

Ախշիկները ասեցին.— Պապի՛, ծարավեցինք. շուր ո՞րտի կա:

Ասեց.— է՛յ, էն բանցը դարը տենո՞ւմ եք:

Ասեցին.— Տենում ե՛նք:

Ասեց.— Ընդրա տակին շուր կա. գնացե՛ք խմեք, էկեք, ես ըստի կնստեմ:

Ասեցին.— Պապի՛, արեւը մութն ա, դարն էլ հեռու ա, ի՞նչ անենք:

— Գնացե՛ք,— ասեց:— ես ըստեղ եմ:

էդ իրեք ախշիկն էլ գնացին դպա դարը. էդ հալիվորը ետ դառավ ու փախավ. էկավ տուն:

Կնիկն ասեց.— Ախշկերքը կորցըրի՞ր:

Ասեց.— Կորցրեցի:

Ասեց.— Թողը վե կալ գնա ձկան:

Առեց թողը քցեց, էրկու հատ ձուկը բռնեց. էլ ընդուց դեն, ի՞նչդար քցեց, դարտակ դուրս էկավ թողը: էրկու ձուկը վե կալավ էկավ տուն, տվեց կնկան, կնիկն ասեց.— Բա էն իրեք ձուկն ո՞ւր ա:

Ասեց.— Էն իրեք ձուկն ընդոնց ղսմաթն էր. էն ղտար արեցիր, որ իմ ախլկերքն էլ կորցրեցի:

էդ հալիվորը ասեց.— էթա՛մ, իմ ախլկերքին էլի գթնեմ, բերեմ: Գնաց, ման էկավ, չի գթավ. դարտակ հետ դառավ, էկավ դպատունը. օրն էրկու ձկով ապրուստ արեցին:

Խաբարը տանք էդ իրեք ախլկանից: Գնացին, էն դարի տակ ջուր չի գթան, ևտ դառան, էկան, իրանց հորը ման էկան՝ չգթան, իրանց ճանփեն էլ կորցրեցին: Մի բարալիկ ճանփա ընկավ մեշի՝ մեշին ընդրանց աղաքը. էդ ճանփեն բռնեցին ու գնացին: Գնացին, դուռն էկան մի քաղաքի դրաղ. ըզրանց ծարավով լցունը շա՛տ էր կոխի, ջուր խմեցին ու նստան: Մութն ընկավ. սոված ու լցունը ըզրանց շա՛տ քյար արեց, մենծ ախլիկն ասեց.— Ախլկե՛րք, էկե՛ք ցեթենք, ո՛ւմ ցեթը կարճ ա՛ ընդրան ուտենք:

Պուճուր ախլիկն ասեց.— Ըդենց բան կըլի՛, որ դուք ասեցիք:

Միջնեկ ախլիկն ասեց.— Բա ի՞նչ անենք, մեր հերը մեղ կորցրեց: մեր մեռնիլը լավ ա, քանց մեր ապրիլը:

Պուճուր ախլիկը ասեց.— Դո՛ւք գիտաք:

Նստեցին, իրեքով ցեթեցին, պուճուր ախլկա ցեթը կարճ էլավ. մենծ ախլիկն ասեց.— Դե՛, պուճուր ախլկան ուտենք:

Պուճուր ախլիկն ասեց.— Մե քիչ քնեք, վե կացեք, կերե՛ք:

Ընդրանք պառկան, քնան, պուճուր ախլիկը վե կացավ, աստված կանչեց, ասեց.— Ընձի ազատա ըստրանց ձեռիցը, հըմի վե կենան, ընձի պըտի ուտեն:

Նստեց, մատով գետինը փորեց, միտք էր անըմ:

էրկու հատ շամիչ դուռ էկավ գետնիցը. մի շամիչը գրեց էն քվոր բերանը, մեկը՝ էն քվոր: Մեկ էլ փորեց, իրեք հատ դուռ էկավ. մեկը քցեց իրա բերա՛նը թեզ, մեկը էն քվոր, մեկը էն քվոր բերանը դրեց:

Ախլկերքը ասեցին.— Ա՛յ քիր, էդ ինչ ես գթնըմ:

Ասեց.— Ըստի փորում եմ, շամիչ ա դուռ գալի:

էկան իրեքով էլ փորեցին. մի լտրաչափ շամիչ հանեցին. նըստեցին, կուշտ կերան իրեքով էլ: էկան մեկ էլ փորեցին. մի ծակ էլավ, մի ախլիկ գոմբալով ընկավ ծակի մեջը. էդ ախլիկը թամաշա արեց՝ տեհավ թաքավորի մեյտարխանեն ա. ձիանոց աղաքը շամիչը, խուրմեն, բատամի մեջը, պոպոքի մեջը՝ ուտում են: Փեշը լիքը լցեց ու էգ ծակից դուռ էկավ:

էն ախշկերքը ասեցին.— Ա'խշի, ո'րտի ընկար, մենք ասեցինք
կորար:

Ասեց.— Չէ', թաքավորի մեյտարխանեն ա, ձիանոց աղաքը
լիքն էր:

Իրեքով մտան էդ ծակը, գնացին մեյտարխանեն. փեշները լիքը
լցեցին, դուս էկան: Մի ամիս մնացին ըտեղ, իրանց ժամանակին
կէթային, թոփ կանեին, կուտեին, ըտի ապրուստ կանեին:

Թաքավորը մեկ օր դուս էկավ ման գալու իրան նազիր-վեղիրի
հետնա. գնացին, մտան մեյտարխանեն. թամաշա արեց թաքավորը՝
սեհհավ ձիանը առնող են. մեյտարաշուն կաղնացրեց աղաքը,
բարկացավ, ասեց.— էս ձիանը խի են առնող, ուրիշ ձիանոց խոտ
են տալի, ես իմ ձիանոց շամիշ եմ տալի, խուրմա եմ տալի... դու
թոփ ես անըմ՝ յա՛ քու տունն ես տանըմ, յա՛ գու ես ուտում. յա՛
գողը կգթնես, յա՛ գլուխդ կկտրեմ, անպատճառ շարի լիս ինձ պա-
տասխան տուր:

Թաքավորը թողեց գնաց: Մեյտարը բերեց, խուրմեն, շամիշը...
ածեց ձիանոց աղաքը. իրան ճկիթը դանակով կտրեց, աղ ու տաք-
դեղը արեց յարի վրեն, մոմուռը տվեց իրան ճկիթը. գնաց, էկավ,
քունը շի տարավ: Մեկ էլ տեհավ գոմի էն պուճախիցը վեր էկան,
մինն ասեց.— Ախշի՛կ, թեզ արե՛ք. փեշները լցրեք, որ դուս գանք:
Փեշները լրցրեցին, էկան ծակի աղաքը, որ դուս գային: Մեյտարը
էկավ, ծակի աղաքը կտրեց, ասեց.— Հը', ժաժ մի՛ գաք, իրեքիդ էլ
կսպանեմ: Ընկան ախշկերքը ըդրան աղաշանք.

— Աստժու խաթե՛ր, մենք ախշիկ ենք. բրախ տու, էթա՛նք.
մեր հերը մեզ կորցրեց, էկանք, ըստեղ դուս էկանք:

Ասեց.— Ձեր խաթեր բա՛ թաքավոր իմ գլուխ կտրի:

Ասեց.— Բրախ տու՝ չենք գա, կէթանք, քաղաքի մեջ գլխներս
կպահենք:

Ասեց.— Անկարելի ա, ձեզ պըտի տանեմ թաքավորին:

Մտը շարի լիս պահեց, առավոտը լիսացավ. վե կալավ, տա-
րավ թաքավորի պալատը, թաքավորը դուս էկավ. տեհավ մեյ-
տարը կաղնած ա, կանչեց. ասեց.

— Հը', գշերով գողը բռնել ես, որ էկել ես:

Ասեց.— Հրամանք ես, բռնել եմ:

Ասեց.— Իրիկվա իմ բարկությունը չըլլեր, չէիր բռնի. ի՞նչ
մարդիկ են՝ բռնել ես:

Ասեց.— Մարդ չեն, իրեք հատ ախշիկ են:

Ասեց.— Կանչեք գան, ախշկերքին:

Ախշկերքը էկան, թաքավորի աղաքը կաղնեցին:

Ասեց.— Դու ի՞նչ դտար աներկուղ ախշիկ եք, որ էդ բանը անըմ եք՝ որ գումը ծակեք, ձիանոց աղաքիցը ամեն բանը վեր եք կալըմ, տանըմ. դուք ուրիշ աշխատանք չե՞ք կարա անի:

էդ ախշկերքը իրանց գլխի էկածը պատմեցին, ասեցին.

— Մեր հերը կորցրեց, էկանք ըդտի դուս էկանք. քաղաքումը մեկ մարգի չէինք ճանաչում, որ էթայինք, աշխատեինք. աստված էդ ծակը բաց արեց մեղ համար, ըդրով ապրուստ ենք անըմ: Հըմի, թաքավոր՝ ապրած, խնդրում ենք, բրախ տաս, էթանք, մեր գլուխը պահենք:

— Որ բրախ տամ, ընչո՞վ պըտի պարապեք:

Մենծ ախշիկն ասեց.

— Ինձ մե փեշակ ունեմ:

Ասեց.— Ի՞նչ փեշակ:

Ասեց.— Ես էնենց մի խալիչա կգործեմ, որ քո ղոշունը նստի վրեն՝ կեսը ծալած մնա:

Ասեց.— Լա՛վ, դու էս դիհն արի:

Միջնեկ ախշկան հարցրեց.

— Քեզ ի՞նչ փեշակ ունես:

— Մի պղնձով փլավ կէփեմ, քո ղոշունը ուտի, կեսն էլ մնա:

Ասեց.— Քունն էլ լա՛վ, դու էլ դեսն արի:

էն պուճուր ախշկան հարցրեց.

— Քեզ ի՞նչ փեշակ ունես:

Ասեց.— Թաքավոր ապրած կենա, ինձ փեշակ շունեմ, ոսկե քաքուլավոր տղա կբերեմ, ոսկե մազավոր ախշիկ:

Ասեց.— էդ իրեքդ էլ ինձ պետք եք, իրեքիդ էլ բրախ չեմ տա. իրեքիդ էլ կառնեմ ինձ կնիկ. գիտա՞ք, ի՛նչ կա, իրեքիդ որը սուտ դուս դա՛ գլուխը կկտրեմ: Տարավ, իրեքին էլ առավ:

Մնաց մե ժամանակ, մենծ ախշկան ասեց.— Դու խալիչադ գործե՛, տենա՛մ:

Ախշիկն ասեց.— Արևելքից արևմուտք հինածդ արա, ես գործելով էթամ, գամ:

Ասեց.— Կորի՛, քունը սուտ ա դուս գալի, ընդրանց էլ նոր կը՛ փորձեմ:

Միջնակ ախշկան կանչեց, ասեց.

— Քվորդ խոսացրի, սուտ դու եկավ, փլավը էփա՛, տենա՛մ քունը ո՛նց ա, սուտ ա, թե օղորթ ա:

Ասեց.— Թաքավո՛ր ապրած՝ մի պղինձ շինել տուր, քառասուն չաքավոր միջին բանին. չաքների ձեռնը ուստեքը չի լսեն:

Ասեց.— Ա՛յ հա՛յ, քունն էլ ա սուտ, դու էլ կորի՛:

Գնացին, պուճուր ախշկանն էլ կանչեցին, ասեց.— էն էրկու քիրդ սուտ դու եկան, քունը ո՛նց պըտի ըլլի:

Ասեց.— Իմը, ես աստժու՛ փեշն եմ բռնե, կըլլի:

Ասեց.— Որ քունը դրուտ կըլլի, ես գիտամ, դո՛ւ քու պարգևը իմ աչքի վրեն. ընդրանց պատիժն էլ իմ աչքի վրեն:

Ասեց.— Վազի՛ր, մի պառվու կանչիլ տուր:

Պառավը էկավ: Թաքավորն ասեց.

— Կտանես, էս ախշիկը կպահես թաքավորի ծախսովը, եփոր կազատվի, ոսկե քաքուլավոր տղա կբերի, ոսկե մազավոր ախշիկ՝ կգաս աչքալիսեք, քեզ կդնեմ կշեռքի թայը, քու քաշովը ոսկի փեշ-քաշ կանեմ քեզ. տա՛ր ու լավ պահա:

Պառավը վե կալավ, տարավ. պահեց, էկավ:

Թաքավորի էրկու կնիկը ասեցին.— Պառա՛վ, մեր քիրը ազատ-վելու վախտը մեզի իմացրա, քեզ շա՛տ պարգև կտանք: Ինն ամիսը թամմեց, իննը սահաթը, ցավը բռնեց. պառավը գնաց, էրկու քվորն էլ իմացրեց, էկան. մի թևը մի քիրը բռնեց, մի թևը մի քիրը, ծունկը տվեց գետինը, էրկու էրեխա բերեց՝ ոսկե քաքուլավոր տղա, ոսկե մազավոր ախշիկ:

Պառավն ասեց.

— Աչքներդ լիս...

— Ձենդ կտրա՛, — ասեցին պառավին: Պառավը սուս կացավ. էրեխեքը մնացին ըտի, ֆողի վրա. ախշկան տարան, քցեցին տեղաշորի մեջ, էկան, պառավին ասեցին.

— Պառա՛վ, մի իլաճ ունես՝ տե՛ս, էս էրեխեքը պըտի կորցընես:

Պառավն ասեց.— Ես ո՛նց կորցնեմ, պըտի էթամ թաքավորին աչքալիսեք:

Ասեցին.— Թաքավորն ինչ պարգև կտա՝ մենք հինգ էն ղտար կտանք: Էրկու էրեխեն դրեցին պառավի զոգը. պառավը տարավ իրա տունը, մե գութու մեջ գրեց, դութու բերանը մուշանպեց, տա-

րավ, քցեց ծովը, էկավ, իրա տունը, էրկու հաա թուլա կար՝ վե կա-
լավ, տարավ, դրեց կնկա աղաքը:

Թաքավորի մեկեւ կնանիք ասեցին.

— Ի՞նչ արիր:

Ասեց.— Տարա՛, քցեցի ծովը. էս էրկու թուլեն վե կալա, էկա:
Հանեցին, մին-մին բուռ ոսկի տվեցին պառավին, ասեցին.

— Պառա՛վ, կէթաս, թաքավորին կասես. «Քո» կնիկը էրկու
թուլա ա բերե»:

Ըդոնք թողացին, գնացին: Պառավ վե կացավ, գնաց թաքա-
վորի մոտը, թաքավորը ասեց.— Հը՛, պառա՛վ, ի՞նչ կա:

— Բան չկա՛, — ասեց:

Ասեց.— Զըլլի աչքալիսեք ես էկե, իմ կնիկը աղատվել ա:

Ասեց.— Թաքավո՛ր ապրած կենա, ասելու բան չի:

Ասեց.— Ախիկ ա՛ փառք իրան¹, տղա ա՛ փառք իրան, ասա՛,
ինչ որ տվել ա. ես իմ աստվածանից շնորհակալ եմ:

Ասեց.— Ասելու բան չի՛, համա պըտի ասեմ, էրկու թուլա ա
բերե:

Թաքավորը ըտի ոտը տվեց գետինը. նազիր-վազիրին կանչեց,
ասեց.

— Նազի՛ր, վազի՛ր, ձեզ մի բան եմ ասըմ. էս կնանիքն,
իրեքն էլ, որ ես առա, ամենքը մի փեշակի անուն տվեցին, որ սուտ
դուս էկավ. էս կնիկը ասեց. «Ոսկե քաքուլավոր տղա կբերեմ, ոսկե
մազավոր ախիկ», ընգոնց փոխանորդը էրկու թուլա ա բերե. որ
ըզրանը դրուտ ըլնեի, պատիճ ունեի էս էրկու կնկան. ըսգոնք թե
որ սուտ դուս էկան՝ խնայեցի. էդ էլ սուտ դուս գար՝ կըխնայեի,
համա էրկու թուլա ա բերե, էլ խնայել չկա: Ըսդրան ի՞նչ վճիռ
տանք:

Ասեցին.— Խնդրում ենք, ըսդրան էլ խնայես. քո քաղաքիցը
հանես, ուրիշ երկիր էթա:

Ասեց.— Անկարելի ա, վճիռ որ դուք չեք տալի, ես պըտի տամ:
Գնացեք, էրկու հատ գոմշի կաշի բերեք, մեկը քցեք տակը, մեկը
վրեն, կուպրն ու ձութը հալեք, լցրեք ըդրա վրեն, կաշիքը կպչեն
ըդրա ջանիցը: տարե՛ք դարվազի աղաքը գրեք, էթող դալողը թքի
էրեսին:

¹ Աստծո (Մ. Բ.):

Գնացին, թաքավորի ասածի պես արեցին. էթող-գալողը թքեց՝
էդ էրկու կնանիք պառավին կանչին, ասեցին.

— Պառավ, բերնիցդ բան չի հանես. թաքավորն ո՛ր իմացավ՝
մեզ էլ կկորցնի, քեզ էլ:

Պառավը գնաց իրանց տուն:

Հափինը տվեց ծովը, ղութին տարավ էն էրեսը: Էն էրեսումը մի
հատ մարդ կար Ղովտ անըմավոր, լստի մինակ բհամ էր էկել:
Ղովտին տավար, մալ, դովլաթ շա՛տ. ձին բերեց ծովի դրաղը ջրե-
լո՞ւ՝ տեհավ մի հատ ղութի ջրի դրաղը, ծովի միջին ա:

Ղովտն ասեց.— Կյամի ա կոտրվե՛ր, ի՞նչ ա, էս ղութին ընկեր
ա ջրի էրես, էկել ա:

Գնաց, ղութին բերեց դուս. բաց արեց, տեհավ, ըհա՛, միջին
մի տղա, մի ախչիկ՝ նոր էլած:

Ղովտն շոքեց, աստված կանչեց. ասեց.

— Աստվա՛ծ, հենց ինչ ուզում ի, էն տվեցիր. քեզանից խընդ-
րում հմ, ըստնց կենդանություն տաս. իմ ամակը չկորցնես. ըսգոնք
ինձ բախշես:— Վե կալավ, տարավ իրա տունը. մի տարի կաթով
պահեց, մի տարվա. հտնա կաթից կտրեց, ընկան հացի:

Ասեց.— Իմ էրեխեքս մի տարի բերել հմ, չեմ լեղացրե. դնեմ
տաշտի մեջ, լեղացնեմ:

Դրեց, լեղացրեց, էրեխեքը հանեց. տեհավ տաշտի ջուրը սա-
ռեց՝ էլավ ղուրս ոսկի՛: Թազատան Ղովտը փառք տվեց աստծուն,
ուրախացավ:

Ասեց.— Ըսղա՛ր մալ, դովլաթ ունեմ, ըսղա՛ր ոսկի ունեմ, ի՞նչ
պտի անեմ, փառք քե՛զ, աստված:

Տասնըհինգ տարի պահեց կշտին. տասնըհինգ տարի հտքը
Ղովտը իմացավ, որ պտի մեռնի. ախչկան ու տղին կանչեց մոտը:

Ասեց.— Որդի՛, ես կմեռնեմ:— Որ ասեց «ես կմեռնեմ», տղեն
ու ախչիկը իրանց գլխին տվեցին ու լաց էլան՝ իմացան որ ըդրանից
են էլե:

Ասեց.— Որդի՛, խի՞ եք լաց ըլլում:

Ասեցին.— Որ դու մեռնես, մենք ո՞նց անենք, չենք կարա
ապրի:

Ասեց.— Որդի՛, ես հարուր իցցուն տարի ա՛ ընկել հմ ըստի.

1 Քյուլլա (Մ. Բ.):

երկիր կա, թաքավորութիւն կա, ախշիկ, կնանիք կան. ամեն տեսակ բան կա աշխարհումը, էն Սե ձին տենում եք, որ օխտը կեմով կապած ա, էն ծովիցն եմ հանե, հրեղեն ձի ա. ձեր ապրանքը բարձեք ղաթիրներին, ձիանոցը, Սե ձին կքցեք աղաքը, դվո՛րը կէթա՝ հետը կէթաք. ո՛րտի կնստի՝ էնտի տեղ կառնեք, ձեզ տներ կշինեք. ձին ինչ ասի՝ խոսքից դուա չեք գա:

Ասեց ու հոգին տվեց:

Քիր ու ախպերը լաց էլան, դլխըներին տվին. գնացին, տեղը փորեցին, մեկը ոտներիցը բռնեց, մեկը գլխից, տարան, քցեցին փոսն ու հողը վրա տվին: Էկան, իրանց ապրանքը բարձեցին. Սե ձին քցեցին աղաքը, ընկան ճանփեն ու էկան-էկան, իրանց հոր քաղաքի լավ շիմանի վրեն նստեց:

Ըտի թաքավորի մեյդանն էր, ինչդար ուրախութիւնի օր ըլլեր. կգար, կնստեր, թամաշա կաներ. ազիզ օրը ըդուց էլ լավ մեյդան շուներ: Բեռները ըտի վեր ածեց, քվորը թողաց բեռների մոտը. ինքը գնաց քաղաքը. տասը հատ նոքար բռնեց, բերեց քվոր մոտը. մեկը ձիանը պահեցին, մեկը տավարը, ամեն նոքարին մե գործ տվեց:

Գնաց թաքավորի պալատը. վեզիրը դռանը կաղնած էր:

Ասեց.— Էկել եմ թաքավորի մոտը, գործ ունեմ:

Վեզիրը մտավ թաքավորի մոտը:

— Մի ըսենց տղա քու մոտն ա գալի,— ասեց:

Վեզիրին ասեց.— Գնա՛ կանչա, դա՛:

Էկավ, կանչեց. գնաց, թաքավորի մոտը կաղնեց, օխտը անգամ գլուխ տվեց թաքավորին, վրա ութին ձեռը բռնեց դռշին, կաղնեց: Թաքավորը որ տեհավ էդ տգի սըֆաթը, ոնց որ իրա սիրտը ճղեն, տղեն կոխեն սրտի մեջը:

Թաքավորը մտքի միջին ասեց. «Ես թաքավոր ըլնեմ, էս թավուր տղա շունենա՞մ»: Ասեց. «Ինչ որ էս տղեն խնդրվի, պտի կատարեմ»:

Թաքավորն ասեց.— Ասա՛, տենամ, ա՛յ տղա, ի՞նչ խնդիրք ունես:

Ասեց.— Քու քաղաքի ղրաղը մի շիման դուզկյահ տեղ կա, էն ընձի ծախես:

Ասեց.— Էն տեղը քեզ փեշքեշ ա, գնա՛, շինա՛:

Տղեն գլուխ տվեց, որ ետ դառնար, էթար.

Թաքավորն ասեց.— Մի դաշֆա քցեք, խմենք:

Ղաշֆան խմեցին, աղի հետնա էփեյճա խոսաց. ասեց.— Ի՛նչ-
դդար որ պարապ մնաս, գաս, խոսանք:

Տղեն վե կացավ, գնաց բազարը. հինգ հարուր ուստա բռնեց,
հազար ֆահլա բռնեց, վե կալավ, տարավ, մի հատ ուստաբաշի
էլ վերակացու դրեց, իրավունքը տվեց ըդրան:

Ասեց.— Չափ ու ձև արա՝ օթախները, գոմերը ամեն տեսակը
շինա:

Տղեն շինել տվեց, վե կացավ, էկավ Թաքավորի մոտը:

Ասեց.— Իմ տները շինեցի, պրծա:

Թաքավորի էդ էրկու կնիկը էկան Թաքավորի մոտը, էդ տղին
տեհան: էդ տղեն վե կացավ, գնաց:

Թաքավորը էդ կնանոցը ասեց.— Տեղը քցեք, ես հիվանդ եմ:

Ասեցին.— Խի՞, ի՛նչ էլավ քեզ:

Ասեց.— էդ տղեն իմ սրտի մեջը մտավ, էդ տղի սիրուցը ես
մեռնում եմ, հալ չկա իմ վրեն, էդ տղի դարտը ինձ կոխեց:

Ասեցին.— Խի՞, ի՛նչ էլավ քեզ Թաքավոր ապրած:

Ասեց.— Իմ արին էդ տղի վրեն ընենց քուաց, որ գիտամ ին-
ձանից ա, քաշկա էգ տղեն չէթա, գշեր-ցերեկ իմ հետը խոսա, իմ
սիրտը կբացվի:

Թաքավորին պառկացրին, շորերը քցին վրին. Թաքավորը քնեց,
վե կացան գնացին, իրանց միջին խորհուրդ արեցին. «Կասես, էս
մեր քվոր տղեն ըլլի»:

Պառավին կանչեցին, էկավ:

Ասեցին.— Դինսը՛ղ, իմանսղ պառա՛վ, գիտաս քու գլուխը ի՛նչ
կհանենք: Արի՛, դրուստն ասա՛, էն էրեխեքը տարար քցեցի՞ր ծովը,
ի՛նչ արիր, բհամ են էկե. քիչ ա մնում Թաքավորն իմանա, որ իմա-
ցել ա, մեզ պրծնում չկա, զաթի ինչ իլլաճ ունես, տե՛ս:

Ասեց.— Իմ վրա խի՞ եք բարկանում, էն էրեխեքը դրել եմ ղու-
թու մեջը, մուշանպել եմ, քցել եմ ծովը, էսա տասնըհինգ, տասնվեց
տարի ժամանակ ա անց կացե. հըմի կէթամ, է՛ն տեղը կղրկեմ, որ
էլ գալը չըլլի:

Հանեցին, ամենքը մի-մին բուռ ոսկի տվեցին: Ասեցին.— Վե՛
գնա, վախտով ըռատ արա՛:

Պառավը վե կացավ ու գնաց. գնաց, ըդրանց քուշի դուռը ծե-
ծեց. ախշիկը գնաց, բաց արեց դուռը:

Ասեց.— Բա՛րև, բալա ջա՛ն:

Ասեց.— Աստծու բարի՛ն, նանի ջա՛ն:

Ասեց.— Գնա՛, էթանք ձեր տները ման գանք, տենանք ո՞նց տներ են շինե:

Ասեց.— Արի էթա՛նք, նանի ջան:

Տարավ պառավին ամեն տեղը, օթախները, մառանը, գոմերը, զիրատի ման ածեց:

Ասեց.— Բալա՛, ամեն բանը լավ ա, մինակ ես, ափսոս:

— Բա ի՞նչ անեմ, նանի՛:

Ասեց.— Ախպորդ ասա՛, Հազարաբիլբուլը բերի, ըստի երգի, դու անկաջ անես:

Պառավը թողեց գնաց. ախչիկը նստեց, նոթերը կիտեց:

Ախպերը էկավ, տեհավ քվոր նոթերը կիտած ա:

Ասեց.— Ախչի՛, խի ես նոթերդ կիտե, փառք աստծուն, թամաշա եմ անում՝ սկի պակասութուն չկա:

Ասեց.— Խի՛ չիկա:

Ասեց.— Ի՞նչն ա պակաս:

Ասեց.— Մի Հազարաբիլբուլ ըլլի, երգի, ես անկաջ անեմ:

Ասեց.— Ա՛յ քիր, ես ոչ Հազարաբիլբուլի ձեն եմ լսե, ոչ տեղը գիտամ:

Ասեց.— Որտիան՝ ըլլի՛ պտի բերես:

Ասեց.— Էթամ Սև ձիու մոտ, տենամ:

Գնաց, գոմի դուռը բաց արեց, մտավ գոմը. ձին խրխնջաց:— Հա՛, — ասեց, — թաքավորի տղա, ի՞նչ կա:

Ասեց.— Հազարաբիլբուլը բերենք:

Ասեց.— Ա՛յ քու սարվացնողի շլինքը կոտրվի. Ղովտը, որ ինձ տվեց քեզ, ասեց ինձ. «էս տղի հետ կմեռնես, էս տղի հետ կապրես»: Հըմի քու հետ պտի մեռնեմ, քու հետ պտի ապրեմ. գնա՛, օխտը փութ գարի բե՛ր, ածա՛ իմ աղաքը՝ ես մի լավ ուտեմ:— Օխտը փութ գարին ածեց աղաքը:

Ասեց.— Մի լավ թիմարա ինձ:

Մի լավ թիմարեց:

Ասեց.— Թամքը վրես դիր, ղուանները ղալիմ կապա, չրկու հատ աքլորաճուտ առ, ոտդ դի՛ր զանկուն ու նի՛լ վրես:— Ոտը դրեց զանկուն ու նիլավ:

Ասեց.— Թաքավորի տղա՛, ընենց ջուխտ գանկու տուր փորիս.

որ իմ մոր ծծած կաթը գա իմ բերանը: Զուխտ զանկուն տվեց, մոր ծծած կաթը էկավ բերանը, հանեց ֆալաքի օխտը դաթը. վե կալավ, տարավ, տարավ մի փոշտ, ձին բեզարեց:

Ասեց.— Տղա՛, վեր արի, ինձ ման ածա:

Ման ածեց. տեհավ էն դհիցը մի Սև դև էկավ, էրկու ջաղացաքար առել ա ձեռը, ծափ տալով գալիս ա:

Ձին ասեց.— Ա՛յ տղա, թեզ արա՛, ոտդ դիր զանկուն, նի՛լ, Սև դևն էկավ:

Սև դևը ասեց.— Աշե՛մ, աշե՛մ, քեզ որ ատամիս տակը ճաշ անեմ, դնեմ ատամիս տակը, ըսկի չես էրևա:

Ձին ասեց.— Ա՛յ տղա, զանկուն տո՛ւր, հավալամիշ ըլնեմ, թե չէ ըղրա ձեռիցը չես պրծնի:

Զանկուն տվեց, հանեց ֆալաքի մի դաթը: Դևը ջաղացաքարը շպտեց քամակիցը: Գյուլլի պես գնաց, սազրուն դպավ: Տարավ, մի բաղչի դրադ վե դրեց:

Ասեց.— Ըտի ղլիճ օթի կա, քաղա՛, դի իմ սաղրու վրեն, որ սաղանա: Ալբալը քաղեց, ծամեց, դրեց յարի վրեն, սաղացավ:

Ասեց.— Դե՛, կմտնես էդ բաղչի մեջ. մարմար հավուզ կա, Հազարաբիլբուլը էդ հավուզի վրա կախ տված ա, Հազարաբիլբուլի դաֆասը վե կախս. մի հատ կանանչ վարդենի ճիպոտ կա տնկված, էն էլ կհանես, կբերես. ո՛ր ձեն տան, ասեն. «Հազարաբիլբուլը տարա՞ն», ետ չի թամաշա անես, որ ետ թամաշա անես, քար կկըտրես, էրկու աքլորաճուտն բանցր քցա, թե կանչեցին՝ խեր ա, կպրծնենք ըստիան, թե չի կանչեցին՝ չենք պրծնի:— Էրկուան էլ բանցր քցեց, էրկուան էլ կանչեցին:

Ասեց.— Գնա՛, իմ ասածը կատարա ու արի, էլ մի վախենա:

Գնաց, դաֆասը վե կալավ, վարդի ճիպոտն էլ հանեց, ձեն տվին. «Հազարաբիլբուլ տարա՞ն, տարա՞ն»:

Ետ թամաշա չարեց. էկավ, հասավ ձիուն, ձին ասեց.— Դե՛, ոտդ դիր զանկուն ու նի՛լ:— Նիլավ:

Զանկուն տվեց, հանեց ֆալաքի օխտը դաթը. բերեց, իրանց դռանը վեր դրեց: Ասեց.— Դե՛, տար, ճիպոտը բաղչի մեջտեղ տնկա:

Տարավ տնկեց. Հազարաբիլբուլի բաղչի մեջ ինչ կար՝ ըդի էլավ: Բիլբուլը հավուզի վրիցը կախ տվեց. ըդի երգեց. ո՛վ որ լսում էր, հայպաթ էր կտրում ըդրա քաղցր ձենին: Էդ ախչիկը գջեր-ցերեկ թամաշա էր անում էդ բիլբուլին: Տղեն դուռ էկավ, գնաց

ավ անհլու. Թաքավորն էլ դուս ա էկե ավ անհլու. տղեն տվեց մի
շեյրանի ճուտի՝ ճուտը գնաց, Թաքավորի աղաքը վեր ընկավ. տղեն
գնաց, Թաքավորի աղաքիցը վե կալավ. Թաքավորը ըսկի չի խոսաց:
Ասեց.— Նազի՛ր, վեզի՛ր, էլ ետ դառեք, էլ ավ անիլը շուգի:
Ետ դառան, էկան:

Թաքավորն ասեց.— Իմ տեղաշորը քցա՛, ես մեռա:

Կնանիքը ասին.— Խի՛, ի՞նչ էլավ:

Ասեց.— Էն տղեն մի ջաբաթ էր շէր էրեւում. էսօր էկավ, ավը
իմ աղաքիցը վե կալավ, գնաց, հետս մի բերան էլ չխոսաց:

Կնանիքը պառկացրին, դպա պառավին գնացին:

Ասեցին.— Պառա՛վ, էդ ո՛րտի ղրկեցիր, էլի էկել ա:

Ասեց.— Հըմի կէթամ, էն տեղը կղրկեմ, որ չի գա: Մի-մի բուռ
ոսկի տվեցին:

— Գնա, — ասեցին, — մի՛ կաղնի էլ:

Պառավը գնաց, ըդոնց գուռը ծեծեց, ախշիկը էկավ, դուռը
բացեց:

Պառավը ասեց.— Բա՛րե, բալա ջա՛ն:

Ասեց.— Աստծու բարի՛ն, նանի ջա՛ն:

Ասեց.— Հազարաբիլբուլը բերե՛լ ա:

Ասեց.— Բերել ա: — Վե կացան, գնացին տեհան: — Ա՛յ հա՛յ, —
ասեց, — ով էթում էր՝ չի՛ր գալի, էս ո՞նց բերեց: — Գիտաս ի՞նչ
կա, բալա ջա՛ն:

— Ի՞նչ կա, նանի ջա՛ն:

Ասեց.— Որ էթա, Դուլդուլ մատիանը բերի՝ օխտը քուռակ ունի,
օխտը քուռակի յալին օխտը մազ կա, օխտը մազը օխտը մուղամ
ձեն ա հանըմ:

Պառավը գնաց, իրիկունը ախպերն էլ էկավ տունը:

— Խի՛ ես նոթերդ կիտե, — ասեց քվորը:

— Գնա՛, Դուլդուլ մատիանը բեր, օխտը քուռակ ունի, ամեն
քուռակի յալին օխտը մազ կա, օխտը մազը օխտը մուղամ ձեն ա
հանըմ:

Տղեն գնաց ձիո՛ւ մոտ:

Ձին ասեց.— Հը՛, ի՞նչ կա, Թաքավորի տղա՛:

Ասեց.— Պըտի էթանք՝ Դուլդուլ մատիանը բերենք:

Ասեց.— Քու սարվաջնողի վիզ կոտրի, էն իմ մոքոր ախշիկն
ա. մորից էլավ, անըմը դրեցին Դուլդուլ, հըմի մեծացել ա, քանի

տարի ա ես հեռացել եմ: Դե՛, — ասեց, — գնա՛, օխտը հատ քեզա-
առ, օխտը գոմշի կաշի առ, օխտը փութ էլ ձութ ու ծամոն առ,
հալա, կպցրա իմ տկլոզ ջանին, մի քեզա քցա վրես: — Մի քեզան քցեց
վրեն, մի դուլանով կապեց՝ օխտը քեզեն էլ օխտը դաթ կպցրեց, դո-
լանները քաշեց. թամբը դրեց վրին, օխտը փութ դարին ածեց
աղաբը. ձին կերավ, ոտը դրեց զանկուն, նիւա՛վ: Մի ջուխտ դանկու
տվեց. հանեց ֆալաքի օխտը դաթը. գնաց, մի ծովի դրաղը վեր
էկավ. տեհավ մի ամարաթներ կա՛, որ օխտը ատեծ ա:

Ասեց. — Ա՛յ տղա, ծովի էն էրեսը պըտի էթանք. Կարմիր դեր
կգա, մենք շենք պրծնի, թեզ արա՛: Մեկ էլ տեհան Կարմիր դեր
էկավ, մի գերան ա դրել ուսը, իրեք վերստ ա դրա երկարությունը,
գալիս ա:

Ասեց. — Ա՛յ տղա, ոտդ դիր զանկուն, նի՛լ: — Նիւա՛վ:

Կարմիր դեր ձեն տվեց. — Կացե՛ք, ղոնախ էլեք, նո՛ր գնացեք:
Տղան ականջ շարեց, զանկու տվեց: Զանկու տալու րաշտան վե
կալավ տղին, որ վե կալավ, գերանը ջրինտի պես քցեց ըզրա քա-
մակը, շի հասավ, գնաց ծովի մեջտեղը ընկավ: Տարավ, աղին ծովի
էն էրեսը վեր դրեց.

— Քու թատարիքը տե՛ս, ես կմտնեմ ծովի տակը. փրփուրը թե
կարմրեց՝ կփախնես, էլ քե պրծնում շի կա, թե սիպտակեց՝ ուրա-
խացի: Զին գուլս-կոնծի արեց, գնաց ջրի տակը, մի սահաթ րդենց
ծովի տակը մնաց: Թամաշա արեց, տեհավ փրփուրը կարմրեց՝
տղեն թողեց, փախավ. ըտեղան մի կես սահաթի ճանփա գնաց,
նաֆասը կտրավ:

Ասեց. — Ես ո՛ւր եմ փախնում, իմ արինը Սև ձիու արընից ա-
վե՛լ ա. ընզրան սպանեցին՝ ինձ էլ սպանեն: Ետ դառավ, էկավ էլի.
տեհավ, փրփուրը սիպտակում ա, շատ ուրախացավ: Տեհավ որ
Դուլդուլ մատիանի յալից բռնեց, քաշեց դուս:

Ասեց. — Ա՛յ տղա, նոխտեն քցա ըսզրա գուլսը: Նոխտեն գցեց,
կապեց:

Տեհավ օխտը քուռակն էլ ծովու միջից դուս էկան, հաղ ա-
րեցին:

Ասեց. — Ա՛յ տղա, հը՛, ի՞նչ տեհար:

Ասեց. — Տեհա փրփուրը կարմրեց:

Ասեց. — Տենում ե՞ս գլխիս, ճակատիս տվեցին:

Ասեց. — Բա ո՛ւր ա քու օխտը քեզեն:

— Տվեցին պոկեցին. էդ թամբը դիր վրես, նի՛լ. նոխտեն դա-
լիմ բռնա, ինձ հտ քշա:

Քշեց ծովի էրեսովը, օխտը քուռակն էլ քամակիցն էկան. բե-
րեց, իրանց դռանը կազնացրեց. դուռը ծեծեց՝ քիւրը դուռը բաց
արեց:

Սև ձին ասեց.— Մատիանը բրախ տո՛ւ, էլ փախնողը չի:

Բրախ տվեց, քուռակներն էլ հաղ արեցին, ըդրանց օխտը մա-
զերիցը՝ օխտը մուղամ ձեն էր դուռ դալի:

Տղեն վե կացավ, գնաց բազար: Թաքավորը փանճարից թամա-
շա արեց, տեհավ՝ էն տղեն ա:

— Հե՛յ վա՛խ, ֆալաք,— ասեց,— ես թաքավորը ըլլեմ, էս թա-
վոր տղա շունենամ, էս էլ չի կաղնրմ ինձ հետնա խոսա:

Թաքավորը իրա էրկու կնկանն էլ կանչեց, ասեց.— Մի դայֆա
բերե՛ք, ես խմեմ, պառկեմ. էն տղեն էս օր տեհա, իմ դարտը թա-
շացավ: Կնանիքը վռազ, վռազ դայֆան տվեցին. թաքավորը խմեց,
պառկեց:

Կնանիքը գնացին պառավի կուշտը:

Ասեցին.— Պառա՛վ, բոլ չի էս օղիյեն բերես մեր գլուխը:

Ասեց.— Խի՛, ի՞նչ ա էլե:

Ասեցին.— էն տղեն էկել ա:

Ասեց.— էթա՛մ, էն տեղը ղրկեմ, որ էլ իլլաճ չըլլի գալու:

Ամենքը մի բուռ ոսկի տվին: Պառավը գնաց, դուռը ծեծեց:
Ախչիկը դուռը բացեց:

— Հա՛, բարե բալա շան:

— Աստծու բարի՛ն, նանի ջա՛ն:

Ասեց.— Դուդուկ մատիանը բերե՛ց:

Ասեց.— Բերել ա:

Ասեց.— էթա՛նք տենանք:— Տեհավ քուռակները էնպես են ջգիր
տալի, մի բոպա մի տեղ չեն կաղնրմ:

Ասեց.— Բալա ջա՛ն, տենրմ ես քու նանը. ինչ լավ նան ա,
ղրկեցի Հազարաբիլբուլը բերեց, ղրկեցի Դուդուկ մատիանը բերեց:
Հըմի Հազարաբիլբուլը որ երգում ա, գիտամ, չես հասկանում, Դուդ-
ուկ մատիանի քուռակների մուղամ ձեները որ հանում են, էդ էլ
չես հասկանում. բա որ էթա Գյուկ փարին բերի, որ քե պես մե ախ-
չիկ ա, ինչ որ ասի՝ դու կհասկանաս. կըլլի քեզ հարս, իրան կնիկ:

Պառավել զնաց: Իրիկունը ախպերը էկավ տուն, տեհավ քվոր նոթերը կիտած ա:

Ասեց.— Ա՛յ քիր, հըմի ի՞նչ ա պակաս:

Ասեց.— Ո՛չ Հազարաբիւրուի ձենն եմ հասկանում, ոչ էլ Դուդու մատիանի քուռակների մուղամ ձեները: Գնա Գյուլ փարին բե՛ր, որ ինձ հարս ըլի, քեզ էլ կնիկ, ինչ որ ասի, ես հասկանամ:

Տղեն զնաց Սև ձիու մոտը:

Ձին ասեց.— Հը՛, ի՞նչ կա:

Ասեց.— էթա՛նք, Գյուլ փարին բերենք:

Ասեց.— Քու սարվացնողի շլինքը կոտրվի. դե, զնա՛, օխտը փութ գարի բե՛ր:

Գարին կերավ, ասեց.— Մի լավ շահթիմար տուր ինձ, թամքը դիր վրես, մի շուխտ զանկու տուր, իմ մոր ծծած կաթ դա իմ բերանը:

էդպես արեց, ձին հանեց ֆալաքի օխտը դաթը, տարավ մի բաղչի դուռ վեր դրեց, մտավ նեքսև:

Գնաց, ետ արած դռները բաց արեց, բաց արած դռները ետ արեց, տեհավ Գյուլ փարին քյարգահ ա անըմ:

Ասեց.— Դլխիդ դուրբա՛ն, արևիդ դուրբա՛ն, քու էշխիցդ եմ էկե: Իրեք անգամ ասեց, էն շխոսաց. վրա շորսին ասեց.— Մոնց որ էկել ես՝ ընենց զնա, չըմ դմըշըմ քեզ:

Ասեց.— Հնար չի կա զմըշես, չի դմըշես, քեզ պըտի տանեմ:

Ասեց.— Որ իմ էշխիցս ես էկե, չարի ծնկներդ քար դառնաս:—

Չարի ծնկները էլավ քար:

Ասեց.— Ես քու սերի խաթեր էկել եմ:

Ասեց.— Դու չարի ծնկներդ էլեր ես քար, հալա խոսում ես. չարի պորտդ էլ ըլես քար:— Չարի պորտը էլավ քար:

էլի ընկավ աղաչանք, ասեց.— Պըտի դաս, էթա՛նք:

Ասեց.— Չարի շլինքդ ըլես քար:

Ձին էլ էլավ չարի շլինքն քար, ինքն էլ:

Ասեց.— Ա՛յ տղա, ուրիշներին մեկ անգամ ասելուն քար էի շինում, վեր քցում, քեզ չեմ դմշում. քու ոսկե քաքուլը որ փովեց էդ քարի վրա, իմ շիգյարը մղկտում ա, քեզ որ լավացնեմ՝ կէթա՛ս, թե էլի իմ յախեն պըտի բռնես:

Ասեց.— Պըտի բռնեմ քու յախեն, կուզես լավացրա, կուզես շինա քար, վերջանամ:

Ասեց.— Դե՛, քարի միջից դուս արի ու արի:
Դուս էկավ ու հասավ Գյուլ փարուն. խարտեց, պաշպշեց՝ է՛լ
ընդրան, է՛ն ընդրան:

Ձին էլ ընտի ուրախացավ, ոտնաքանդ արեց:

Ախշիկն ասեց.— Ա՛յ տղա, ես իրավունք եմ տալի քեզ, փունջ
մանուշակն առ, ո՛ր քարին տաս՝ կսաղանան:

Առավ, ո՛րին տվեց՝ սաղացավ, որին տվեց՝ սաղացավ. էլավ
տաս հազար մարդ ձիավոր, խառնվան բիրատի իրար: Գյուլ փարին
իրավունք տվեց.

— Դե՛ ամեն մարդ իրան ձին նիլնի ու էթա իրա տունը: Քոմ-
մա գնացին, մնաց էդ Գյուլ փարին ու էդ տղեն: Գյուլ փարուն
վե կալավ, գնաց ձիու մոտը. նիլավ ձին, ախշիկը քաշեց
թարքը:

Ձին ասեց.— Ա՛յ տղա, մի լավ զանկու տո՛ւր րնձի, իմ մոր
օծած կաթը գա իմ բերանը:— Հանեց ֆալաքի օխտը ղաթը, ծովի
էն ղրաղը վե դրեց: Նստեցին, հաց կերան, պրծան. ձին բերեցին,
որ նիլնեին, մեկ էլ տեհան Բոզ դէր մի ծառ ա ղրե ուսին, ինչդար
ղուրտ ու ղուշ, ջանավար կա, կախ արե ծառի վրեն, դրել ա ուսը.
մի պոռշը երկինքն՝ ա սրբում, մի պոռշը՝ գետինը. էկավ, ըզոնց
տեհավ:

Ասեց.— էս զտար ջանավարի մեջ մեկը իսանի մսի պես քաղցր
լըլի՛, աստված ըսօր ջուխտն ա հասցրե:

Ձին ասեց.— Տղա՛, թեզ արա՛, նի՛լ, դեն էկավ, թո՛ի իմ քա-
մակը: Թռավ ձիու քամակը, ախշկա թևիցը բռնեց, քաշեց թարքը:
Դէր էն դիհեն ձեն տվեց.

— Կադնե՛ք, ձեզ բան եմ ասում:

Ձին ասեց.— Իմ կողքերին մի ջուխտ զանկու տո՛ւր:

Որ տվեց, ձին վե կալավ ըզրանց: Դէր տեհավ, ծառ տվել
գետնովն ու ձիու քամակիցը վազեց. հասավ, ձեռը քցեց, որ ձիու
ոտը բռնե՛ր՝ ձին մի ջուխտ քացի տվեց ճակատին, դէր տասնէրկու
կոնդկի արեց ու վեր ընկավ: Ձին տարավ իրան դռան աղաքը վե
դրեց: Դուռը ծեծեց, քիւրը բաց արեց, փաթթվեց ախշկան. էլ իրար
պաշպշի՛լը աստված ազատի:

էկան, բաղչեն ման էկան, Գյուլ փարին ասեց.

— Ա՛յ տղա, գնա՛, ուստա բեր, մարթապեք շինի:

Գնաց, ուստեն բերեց, ոսկին տվեցին, իրա ձեռի մուգղը՝ տվին:

Ասեցին.— Տաս հազար ոսկե մարթապա շինա:— Շինել տվին, չրծան: Գյուլ փարին մի դաստա ծաղիկ կապեց, տվեց տղին:

Ասեց.— էն գոմշի կաշու միջի կնիկը որ կա՝ տա՛ր տուր էն կնկա ձեռը:

Ծաղիկը վե կալավ, տարավ, տվեց կնկա ձեռը. կնիկն առավ, թամաշա արեց, տղին էլ բան չի կարաց ասի, հենց ասեց.— Ծա մեռա՞, մեռա՞:

Տղեն էկավ թաքավորի պալատի տակով տուն. թաքավորը տեհավ.

— Նազի՛ր, վեզի՛ր,— ասեց,— էս էրկու շաբաթ էդ տղեն իմ աչքովը չէր ընկե, էս սհաթը կբերեք, ընձի հետ խոսա:

Գնացին ասին.— Թաքավորը քե կանչում ա:

Գյուլ փարին ասեց.— էգուց թաքավորը էս վախտը մեզ ղոնախա, տղեն չի կարա գա:— էկան, թաքավորին ղոնեց պատասխան տվեցին:

Թաքավորը շատ ուրախացավ: Թաքավորի էրկու կնիկը թաքավորին քուն դրեցին, ափալ-թափալ գնացին իրանց օթախը, պառավին խաբար ղրկեցին:

Ասեցին.— Դինսը՛զ, իմանսը՛զ, էդ որտե՛ղ ես ղրկե, էկավ:— Ասեցին.— Դե՛, գնա էս սհաթը ղրկիլ տո՛ւր, որ էթա:

Ասեց.— Իրեք տեղ ղրկեցի՝ էկավ. հըմի ընենց տեղ պըտի ղրկեմ, էլ հնար չի կա գալու:

Պառավը գնաց, դուռը ծեծեց, ախշիկը դուռ էկավ:

Ասեց.— Բա՛րե, բալա շա՛ն, մո՛նց ա, Գյուլ փարին բերել ա՞:

Ասեց.— Նանի շա՛ն, բերել ա, բա ի՞նչ ա արե:

Գյուլ փարին ասեց.— Նանի՛, արի՛, ընձի հետ խոսա:

Ասեց.— Քեզ բերել տվեցի, մի տեղ էլ պըտի ղրկեմ:

Ասեց.— Ըսդրանց գլուխը ինչ բալբալեք էկել ա, քեզանով էկել ա, պառա՛վ:

Ասեց.— Խի՞ ընձանով էկել ա, ընձանով լավություն ա հասե:

Ասեց.— Որ թողամ, շատ կխոսաս դու. ըլլե՛ս մի ցոռոտ ցախավել, ընկնես ըստեղ:— էլավ մի ցոռոտ ցախավել:

— Ախի՛,— ասեց,— տար քցա՛ գոմը, ձիու տակը։— Տարավ-
քցեց գոմը։ Տղեն նեքսև մտավ։

Գյուլ փարին ասեց.— Արի՛, քեզ դարտ ու բալից աղատեցի՛,
գնա բազարը՝ տասը հատ տավար ա՛ռ, էրկու խավար բրինձ, կես
խավար եղ. բե՛, քու հոր ու մոր ժամ-պատարագ արա։— Գնաց
էդպես արեց։ Տավարները մորթել տվեց, կերակուրները էփել տվեց,
ղրկեց, մարգիկը թոփ արեց. տղեն էլ թաքավորին կանչեց։ Թաքա-
վորը էն սհաթը էկավ, էլ մահալ չի թողաց։ Թաքավորի կնանիքը
մարթ ղրկեցին պառավին, տեհան պառավ էրեկվանից չի կա. ըդոնց
սիրտը ճաքում էր. իլլաճ չկա ձեռին։ Գնացին, նստան։ Հացը քաշիլ
տվեցին, կերան. իրանց աղաքի ոսկե մարթապեքն էլ, տղեն հրա-
մայեց, վե կալան, քոմմա գնացին։ Թաքավորը մնաց, շատ ուրա-
խացավ, երկար խոսացին։ Թաքավորը տղի ու ախչկա բերնին մա-
յիլ կտրեց, ասեց.— Ինչ ուզում եք, ձեր լեզուն ինչ պտըտի՛ պըտի
տամ։

Գյուլ փարին ասեց.— Քեզանից դատ չենք խնդրում, մի բան
ենք ուզում։

Ասեց.— Մի անգամ ասել եմ, ուզա՛։

Ասեց.— Մենք էն դարվազի կապած կնիկն ենք ուզում, տաս
մեզի։

Ասեց.— Դուք բան ուզեք, էդ ի՞նչ էր։

Ասեց.— Մենք էն ենք ուզում։

Ասեց.— Դե՛, ձեզ ըլլի։

Թաքավորը պալատը գնաց, կնանոնցը ասեց.— Ընձնից զատ
չուզեցին, էն կնիկը ուզեցին։

Կնանիքը շատ տրտմեցին։ Գյուլ փարին ու ախչիկը գնացին,
էդ գարվազի կնկանը դրեցին ուսերին, տարան համամը. տասն օր
գրեցին ջրի մեջ, անճախ ըդրա կաշին կակղեց. մի լավ լեղացրին
բերեցին տուն. մի ձեռք էնպես շոր կտրեցին, ըսկի էդ քաղաքում
չի կար, հագցրին ըդրան։

Փարին ասեց.— Մեկ էլ ժամ արա քու հորն ու մորը։

Տղեն մեկ էլ էդպես պատրաստեց. կանչեց, էկան՝ ինչդար
մարթ կար։

Փարին ասեց.— Գնա՛, թաքավորին էլ կանչա։

Թաքավորը կնանոնցը ասեց.— Դե՛, վերե՛ք, էթա՛նք։

Կնանիքը ասեցին.— Մենք գանք ի՞նչ անենք, թաքավո՛ր։

Թաքավորը բարկացավ.— Դե՛, թեզ արեք,— ասեց:
 Վե կացան գնացին, մտան նեքսեւ էդ ախշիկն ու Փարին էկան,
 Թաքավորի ձեռը բռնեցին, տարան:
 Թաքավորը ասեց.— Ա՛յ հա՛յ, ես թաքավոր ըլլեմ, էս թավուր
 ախշկերք, էս թավուր տղա շունենամ:
 Ծմակը քաջեցին. կերան, պրծան:
 Տղեն ասեց.— Ամեն մարթ իրան առչկի ոսկե մարթապեն վեր
 կալի:
 Վե կալան, գնացին: Թաքավորը, իրա կնանիքը մնացին:
 Գյուլ փարին ասեց.— Ախշի՛, գնա՛, էն ցախավելը գոմիցը վե
 կալ ու բեր: Գնաց, վե կալավ, բերեց:
 Ասեց.— Ախշի՛, դիր թաքավորի աղաքը:
 Թաքավորը նեղացավ իրա միջին, ասեց.— Ձեր պատիվ տալը
 ասեմ, թե էս վերջի բանը ասեմ:
 Ասեց.— Թաքավոր՝ ապրած, մի՛ նեղանա, ինչ որ բան կա, էդ
 ցախավելը կասի հըմի:
 Փարին ասեց.— Ցախավե՛լ, էլի՛ պառավ:— էլավ պառավ, նըս-
 տե՜յ ըտե:
 Թաքավորը ասեց.— Յա՛, էս մեր տան պառավն ա:
 Ասեց.— Դե՛, պառավ, ի՛նչ տեհել ես՝ պատմա:
 Պառավը ինչ որ էլել էր, ամենը թաքավորին պատմեց:
 Գյուլ փարին ասեց.— Տենը՛մ ես ոսկե քաքուլավոր տղեն ու
 ոսկե մազավոր ախշիկ, էս կաշու միջի կնիկը ըղրանց ի՞նչն ա:
 Ասեց.— Հղրանց մերն ա:
 — Թաքավորը ըղրանց ի՞նչն ա:
 Ասեց.— Հերն ա:
 Ասեց.— Պառա՛վ, դու խի՛ իր էդպես հանըմ ըղրանց գլուխը:
 Ասեց.— Ինչ որ անըմ ին, էդ էրկու կնանիքն ին անըմ:
 Թաքավորը վե կացավ, ոտը գետնով տվեց:
 Ասեց.— Պառավ, ըղոնք որ անըմ ին, դու խի՛ արեցիր:
 Պառավին տարան, քցեցին ծովը: Էրկու գիծ ղաթիր բերել
 տվեց, էդ էրկու կնկան՝ ամենքը էրկու ղաթիրի պոչը կապեց:
 Թաքավորն իրա կնկան առավ թազատան: Փարուն տղի վրա
 պսակեց: Ինքը թաքավորությունից վեր էկավ, տղին դրեց իրա տեղը:

